



Broj:09-20/1-11-2-1190

Dana: 02.07.2021 godine

Na osnovu člana 43., i 45., Zakona o unutrašnjim poslovima Federacije Bosne i Hercegovine („Sl. novine Federacije BiH“ broj: 81/14), člana 25., 69., i 70., Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje otvorenih postupaka nabavke u 2021. godini, zamjenik direktora Federalne uprave policije d o n o s i:

O D L U K U

o izboru najpovoljnijeg ponuđača za Javnu nabavku kancelarijskog potrošnog materijala

Na osnovu obavještenja o nabavci broj:1412-1-1-98-3-62/21, objavljenog u „Sl. glasniku BiH“ broj:35/21 od 11.06.2021 godine, proveden je otvoreni postupak.

1. Za predmetnu javnu nabavku pristigle su četiri ponude i to od pravnog lica **“PLAN PLUS” d.o.o. Zenica**, **“ELKOM” D.O.O. Vitez**, **“CROBOX” d.o.o. Sarajevo** i **“PRIMAPROM” d.o.o. Banja Luka**, gdje je pregledom dostavljenih specifikacija utvrđeno da su navedene ponude upotpunosti u skladu sa traženim tehničkim specifikacijama navedenim u TD.
2. Komisija je utvrdila da je ponuda ponuđača **“CROBOX” d.o.o. Sarajevo** sa ponuđenom **konačnom cijenom od 40.900,00 KM bez PDV-om na e-aukciji** za Javnu nabavku kancelarijskog potrošnog materijala, formalno pravno ispravna u opštem i tehničkom smislu i uz primjenu kriterija-najniža cijena, najpovoljnija u ekonomskom smislu te shodno tome dala preporuku da se donese Odluka o izboru najpovoljnijeg ponuđača pravnog lica **“CROBOX” d.o.o. Sarajevo**, što je i konstatovano u Zapisniku o pregledu i ocjeni ponuda od 02.07.2021. godine.
3. Obavezuje se ponuđač iz tačke 2., ove Odluke da u roku od 5 dana od prijema ove Odluke dostavi dokumenta navedena u tački 12., odnosno 13., Tenderske dokumentacije, broj: 09-20-11-2-1190.
4. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
5. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu.
6. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Komisija za provođenje otvorenih postupaka nabavke za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-207 od 18.03.2021. godine, je postupala shodno obavještenju o nabavci, broj:1412-1-1-98-3-62/21 objavljeno u "Službenom glasniku BiH" broj: 35/21, dana 11.06.2021 godine, te tom prilikom provela Javnu nabavku kancelarijskog potrošnog materijala.

Dana 24.06.2021 godine, Komisija za provođenje otvorenih postupaka nabavke za 2021. godinu je izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

Komisija je u Zapisniku o pregledu i ocjeni ponuda od 29.05.2021 godine, konstatovala da su ponude pravnih lica „PLAN PLUS“ d.o.o. Zenica, „ELKOM“ d.o.o. Vitez, „CROBOX“ d.o.o. Sarajevo i „PRIMAPROM“ d.o.o. Banja Luka za Javnu nabavku kancelarijskog potrošnog materijala, (procjenjena vrijednost nabavke 51.282,05 KM bez PDV-a), formalno pravno ispravne, te da ispunjavaju uslove tražene tenderskom dokumentacijom. Obzirom da je za predmetnu nabavku predviđena e-aukcija Komisija je Sektoru za mat-fin poslove uputila akt za provođenje e-aukcije.

Komisiji je nakon provedene e-aukcije, dostavljen akt Sektora za mat-fin poslove sa izvještajem o toku i završetku provedene e-aukcije broj:1412-1-1-98/21 od 02.07.2021 godine, kao i konačna rang lista u otvorenom postupku javne nabavke kancelarijskog potrošnog materijala.

Primjenjujući kriterij–najniža cijena, Komisija je konstatovala da je ponuda ponuđača „CROBOX“ d.o.o. Sarajevo za Javnu nabavku kancelarijskog potrošnog materijala sa ponuđenim iznosom od 40.900,00 KM bez PDV-a na e-aukciji **prihvatljiva** te shodno članu 70., Zakona o javnim nabavkama Bosne i Hercegovine, predložila donošenje Odluke o izboru najpovoljnijeg ponuđača za pravno lice „CROBOX“ d.o.o.o. Sarajevo.

Pravna pouka: Protiv ove Odluke može se podnijeti žalba ugovornom organu, Federalnoj upravi policije u roku od 10 (deset) dana od dana prijema ove Odluke.


**ZAMJENIK DIREKTORA
GENERALNI INSPEKTOR POLICIJE**
Ensad Korman

Dostaviti:

- Sektor za mat. fin. poslove
- ponuđačima
- u spis